

DISPUTATIO MEDICA
PATHOLOGICA

DE

COMATE ET CARO

Q V A M

D. O. M. A.

P R A E S I D E

J A C O B O T A P P I O

MED. D. EIUSQUE IN INCLYTA
JUL. PROF. PUBLICO.

Dn. Præceptore ac Promotore suo pluri-
mum venerando

ad diem Septembris.

IN AUDITORIO MEDICORVM.

Publico examini subijcit

ERNESTUS BARNSTORFFIUS
Hannoveranus.



HELMESTADII,

Typis HENNINGI MÜLLERI Acad. Typs

CIO IO C LXVIII

V I R O

**ADMODVM REVERENDO ET AM-
PLISSIMO**

**DN. JUSTO HENRICO
BARNSTORFFIO,**

**SS. THEOLOG. LICENTIATO, PASTO-
STORI AD D. CRVCIS HANNOVE-
RÆ VIGILANTISSIMO,**

**PARENTI SVO
VENERANDO**

**EXERCITIVM HOC ACADEMICVM, EA
QVA PAR EST FILIALI OBSERVANTIA,
ADIUNCTO OMNIS PROSPERI-
TATIS VOTO**

Offert & Dedicat

ERNESTUS BARNSTORFFIUS

Συν τῷ Θρω.

DISPVATIO PATHOLOGICA

DE

COMATE.

THESIS I.



Ognito somno naturali ejusque causis, haud difficulter & somnus non naturalis cognosci potest. Quemadmodum enim somnus naturalis ex naturalibus alimentorum exhalationibus oritur; ita non naturalis ex superfluis & non naturalibus excrementitiorum humorum vaporibus ortum sumit.

II. Est autem Somnus nonnaturalis sopor sive somnus diuturnior & profundior quam secundum naturæ institutum debebat esse: & qui non tantum spiritus animales & vires corporis non reficit, verum etiam miris modis deiecit & opprimit. Unde Hippocr. aph. 3. l. 2. dicit: *Somnus, vigilia, utraq, si immoderata existunt, malum.* Variæ autem somni non naturalis sunt species, pro varia illarum exhalationum morbidarum constitutione. Communiter autem in Schola Medica ad tria genera reducuntur, Quorum primum dicitur Coma vel Cataphora, secundum Caros, tertium Lethargus, latinis Veternus.

III. Coma, Græcis dictum *δὲ τὸ κοιμᾶν* vel *κοιμᾶσθαι* quod est profunde dormire, nihil aliud est quam vigiliæ

impotentia & nimia propensio ad somnū. Ejus duæ sunt species: quarum una vocatur *Coma* καὶ ὤδης sive *somnolentum*, quod qui eo afficiuntur non tantum propensi sint ad somnū, verum etiam præter naturam profunde dormiant, ita ut non nisi objectis sensus vehementer afficientibus, excitari possint: Altera species dicitur καὶ ἀγρυπνία, *Coma vigil*, quia affecti valde proclives sunt ad somnū, & palpebras conniventes clausasque habent, verè tamen non dormiunt, sed varijs phantasmatibus vexantur, quibus somnus impeditur.

IV. Hujus iterum variæ recensentur Species. Est enim *Coma Vigil cum delirio aliquo*, & quidem cum simplici delirio, nempe ubi ægri absque alio concomitante morbo clausis oculis, ob Phantasie corruptionem, deliria loquuntur & agunt: Vel *delirium hoc conjunctum habet febrem*, unde dicitur hoc *Coma Phreneticum*: de quo Galenus libr. de Comate c. 3. ita scribit: Quod vero *Coma Phreneticis* accidit, id quidem est *insomne* & citra sentiendi movendiq; difficultatem: Cum enim qui eo Comate laborant, vocem sonumve audiant, exsurgunt facile: quod si quis eos aliqua in corporis parte contingat, mox oculos tollunt & in tangentem respiciunt.

V. Aliud *Coma vigil est sine delirio*: Cum ægri quietiores sunt & rationi consentanea loquuntur; etsi vix oculos ex dormiendi cupidine attollere possint. Rectius ad hanc speciem referenda est illa Cataphora, quæ Hippocrati lib. 3. Epidim. dicitur κατὰ Φρενὴν ὡδὴν pigra & torpida; quam ad Typhomaniam quæ turbulentum delirium conjunctum habet.

VI. Aliud tandem *Coma quasi medium est inter somnū & vigiliam*; de utroque enim aliquid participat, & modo dormiunt affecti, modo vigilant & delirant variis spectris
& ima;

imagunculis vexati. Græci malum hoc τὸ Φωμανία i. e. insaniam soporosam vocant. De hoc Galenus *Comment. 3. in lib. 3. Epidimion* ita loquitur: γίνεται γὰρ π καὶ τοῖς τοῖς ἐπὶ κοματώδεσιν ὡς ἐν μεθορίῳ καθιδάσθαι, τῶν ἀκρβῶς ἐξηγορη- των, καὶ τῶν κοιμωμένων. Si quidem istis qui hoc Comate detinentur ejusmodi quippiam usu venit, ut in mediotum exquisitè vigilantium tum dormientium consistant. Hujus affectus quoque mentionem facit *Comment. 1. & 3. in libr. prædiction. Hippocratis*. Ubi hanc speciem ex Phrenitide & Lethargo mixtam esse scribit, & nonnullis Typhomaniam vocari, id vero præter mentem Hippocr. *Libr. 4. de pulsuum causis*, hanc proprio nomine carere vult, ideoque ex adjunctis sibi signis ejus notitiam petendam esse scribit.

VII. Hic observandum primam speciem Comatis, scilicet κατὰ Φορὰν somnolentam Hippocratem κατ' ἐξοχὴν five præcipue vocare Coma, eamque vigilijs ut plurimum opponere. Ita *lib. 3. Epidim.* in statu pestilenti inquit: Κοματώδεες ὅτι πολὺ καὶ πάλιν ἀγρυπνοῖ: Comate ut plurimum detinebantur (scilicet febricitantes) & rursus pervigiles erant. Et de Pario quodam supra Dianæ templum decumbente ita scribit: Febris eum detinuit acuta, primo continua & ardens: Ipse sitibundus & initio Comatosus, & contra vigil erat. Præterea duas mulieres ante statum pestilentem describens, de prima sic ait: Alteram ex abortione ad quintum mensem ignis corripuit, quæ inter initia Comatosa erat & è converso insomnis.

IIIX. Nihilominus tamen Galenus & qui ante eum vixerunt, quique eum secuti sunt Medici, ægros qui clausis oculis ad somnum proclives quidem sunt, sed vere dormire non possunt, Comate laborare dixerunt. Galenus *libr. de Comate c. 2.* hac de re ita scribit: Hæc admirabi-

estis expositores (nempe qui putabant nullo modo fieri
posse ut Cataphora quis laboret, & tamen vigilet) inqui-
unt, haud cognoscentes, duas esse Cataphoræ Species ut probatis-
simi Medicorum scriptum reliquerunt, & effectus ipsi, qui in hac
re quotidie apparent expresse testantur. Nam in utraq; com-
mune est, ut oculos attollere nequeant, sed cum eorum gravedine
sint & dormire velint. Alterius autem peculiare est, ut hi qui-
dem mox profundeq; & diu dormiant. Illi autem vigiles &
mobiles maneant, cum ipsis diversa variaq; imagines rerum sem-
per succedant, quæ illorum mentem moveant, interrumpantq;
somnia, quamobrem insomnes quidem extant, de lecto autem
surgere, vigilantiumq; exercere opera nequeunt: Hac enim ope-
ra non adeo exacte persolvunt, ut facerent si sine infirmitate vi-
gilarent: Oculi namq; eorum gravedine quadam correpti sunt,
Cataphoraq; videlicet in somnum inclinatione tenentur adeo, ut
sperare possis, eos facillime somnum consequi. Verum non solum
non dormiunt, sed etiam, in quam ante conjecti erant, spe dor-
miendi omnino privantur. Quare hoc in loco potes intelligere
quod Coma veluti commune vocabulum de utraq; Cataphora præ-
dicatur; ac de illa præcipue quam Cataphoram absolute de more
vocamus. Nam si somnolentam Cataphoram duntaxat intel-
lexeris, decipieris ea de causa, quod eam Cataphoram, quæ
somnia non est ab hac vocabuli nuncupatione separabis, quæ
quidem non minus quam altera Cataphora sc. somnolenta, sub
appellatione Comatis vocabuli continetur. Sive igitur somno-
lenta, sive non somnolenta Cataphora fuerit, Hippocrates eam
Coma vocare consuevit: Vide etiam cap. 3. ejusd. libri. Fa-
cit autem mentionem Hippocrates Comatis non somno-
lenti libr. 3. Epidim. sect. 3. in statu pestilente, quando de
febricitantibus ita loquitur: Κατῆχε δὲ ἢ τὸ κῶμα ζυγῶς
& ἢ ἀνωδῶς ἢ κατὰ πόνον ἀΰπνοισι. Eos autem aut perpetuus
sopor

sopor non somnolentius detinebat, aut vigilie cum laboribus.

IX. Causam Comatis & quidem somnolenti Galenus triplicem constituit. 1. enim dicit, Coma oriri ex sola humiditate cerebrum obruente. 2. Ex sola frigidityte. 3. Ex frigidityte & humiditate conjuncta. Humiditatem autem illam iterum duplicem facit: Aliam utilem & alimentariam: alteram inutilem & excrementitiam.

X. Comatis autem vigilis causam esse ait, humorem calidum, acrem & putrescentem, frigidis & crudis permixtum. Præterea virium imbecillitatem, ita ut palpebras apertas servare non possint.

XI. De causis hisce Galenus in variis locis agit. Et 1. quidem Comment. 3. in Hippocrat. libr. prædiction. Γίγνεται δὲ κατὰ Φορὰν, τὸ μὲν ὑπὸ πλεονάζοντος ἢ βαρυνοῦς καὶ ἐν κεφαλῇ, κατὰ δὲ ὅτι τῶν μεθυσθέντων. ἔστι δὲ ὅτε καὶ φλεγματικὸν χυμὸν, ἢ καὶ χυμὸς ἔχων δύσλυστον φύξιν. Ὅταν δὲ ἀγρυπνίᾳ ἐκχέσῃ τὸ κῶμα, δαυνώδης μίξει χυμὸς τὴν ποταύτην ἀγρίαν ἐδείκνυν γίνεσθαι. Oriri (inquit) Cataphoram sive in somnum delationem, partim quidem gravato ob utilis succi copiam cerebro, non secus ac in ebriosis: Interdum vero ob pituitosum humorem, vel etiam ob egre solubilem absq; humore frigiditytatem. Vbi autem vigilis Coma conjunctum fuerit, ex succi mordacis permixtione hanc affectionem fieri demonstravi. 2. In Comment. 1. in libr. 3. Epidim. Ita scribit: Sapius propter humiditatem multam primum sentientis partis (in qua somnum fieri rectè demonstravit Aristoteles) Coma consequitur, ut nonnullis ebriosis usu venit. Sapius vero ob solum frigus. Interdum tamen ambabus his ex causis profundus & cum sopore somnus incidit. Quia etiam propter virium imbecillitatem hujusmodi suboritur

suboritur affectio, ubi adeo sunt emorua, ut apertas palpebras
servare nequeant. Ac ita affectis contingit ut conniventibus
oculis aut nihil prorsus aut parum dormiant, sed vigilant. Quem
quidem affectum, ab eo qui ex humiditate & frigiditate ortus est,
potissimum pulsus distinguunt, tum languidissimi & tardi, tum
rari & parvi. 3. Et Comment. 3. in eund. libr. hæc habet:
Τὸ μὲν ἀμικτὸν ἀγρυπνία κῶμα δι' ὑγρότητα καὶ ψύξιν ἐμαρτε ἐγνε-
φαίη γινέσθαι. τὴν δὲ ἀμικτὸν ἀγρυπνίαν κῶματι Διὰ ξηρότητα καὶ
θερμότητα. Νῦν ἐν αὐξηθέντων τῶν χυμῶν, ὑγρότητα, μὲν ὀπιπο-
λῆσαν ἐχόντων, ἢ μὲν δὴ γε δερμίδα ἀπασαν, ἢ μὲν ὑγρότης τὴν
κωματώδη Διὰ θύειν, ἢ δὲ ἐκ τῆς σήπιδος δερμύτης, τὴν ἀγρυπνίαν
εἰργάζονται. Τῶν ἐναντίων συμπτωμάτων ἐκ ἐναντίοις αἰτίοις εὐλόγως
γνωμένων. Coma vigilia nonpermixtum, & cerebri humiditate
& frigiditate fieri didicisti, vigiliam vero Comati nonpermix-
tam ex siccitate & caliditate. Nunc igitur auctis humoribus, exsu-
perantem humiditatem habentibus, neq. eam tamen prorsus acrem,
humiditas quidem κωματώδη affectum, acrimonia vero ex putre-
dine vigiliam effecit, contrariis symptomatibus merito ex con-
trariis causis subortis.

XII. Post aliqua causam reddit Comatis cum con-
iuncto delirio: Θαυμαστὸν ἐν ἰδὲν ἡθροισμῶν ἐν τῷ σώ-
ματι χυμῶν ὤμων, ὡς τὰ γε Διὰ χωρέματα τὴν ἐνδείξιν ἐποιήσατο,
κωματώδεις τε αἶμα καὶ πῶρα φερόντας γενέσθαι. Κωματώδεις μὲν,
Διὰ τὸ πλῆθος καὶ τὴν ψυχρότητα τῶν ὤμων χυμῶν, πῶρα φε-
ρόντας δὲ, διότι σηπόυλοι δερμύτητά τε καὶ θερμοσίαν ἐγγύων.
Nil mirum est (inquit) collectis in corpore crudis humoribus,
ut indicarunt excrementa Comate simul & desipientia prebentos
fuisse. Comate quidem, propter Crudorum humorum tum co-
piam tum frigiditatem: Desipientia verò, propterea, quod pu-
rescentes humores acrimoniam & calorem gignebant.

XIII. Hæc Galeni sententia, etsi prorsus falsa non
sit,

fit, multum enim ad soporem inducendum faciunt humores frigidi, simpliciter tamen vera non est: non enim sola humiditas per se, nec sola frigiditas, nec frigiditas conjuncta humiditati, etsi cerebrum occupent, statim Coma producunt, ut vult Galenus; sed tum demum, quando illa humiditas vel frigiditas, vel potius humorum frigidorum halitus simul nervos & in ijs contentos spiritus præter naturam afficiunt. Nam salvis nervis, & spiritibus animalibus ad influxum in sensuum organa aptis manentibus nunquã generatur somnus naturalis nedum Coma. (2) Falsum est ex solo frigore absque humore, & quidem frigore *δύσλυτο* sive ægre solubili oriri Coma proprie dictum. Nam solum frigus intrinsece cerebrum & nervos afficere vix ullo modo potest, nisi sit in humore, vel ex humore, vel ex vapore seu flatibus. Ex humore illud frigus esse expresse negat Galenus: nec ex flatibus vel vaporibus absque humore ortum sumere potest tale frigus, cum vapores non fiant nisi ex humoribus. Oportet igitur illud frigus esse ex causis externis; Verum neque illud solet agere in cerebrum nostrum absque humoribus vel vaporibus, ut experientia notum est, ex defluxionibus à causa externa frigida. Ponamus autem agere solum frigus in cerebrum, & effectum non naturalem producere, profectò tum non Coma propriè ita dictum; sed Catalepsi, quæ ob ingentem frigidam causam communiter Congelatio dicitur; vel dispositionem ad mortem, imò ipsam mortem procreabit.

XIV. Vera itaque vel proxima Comatis, & quidem somnolenti causa sunt, vapores & halitus non naturales ad cerebrum nervosque delati, & spiritus animales ita afficientes, ut ad motum influxumque in sensuum organa reddantur inepti.

B

XV. Effi-

XV. Efficiunt autem hoc duplici modo, vel quantitate nimia, vel qualitate noxia. Quantitate hoc præstant vapores calidi, quales à copiosa potatione vini vel spiritus vini, vel humoribus biliosis ad cerebrum exhalant; vel extrinsecus ab halitibus recentis vini, vel generosæ cerevisiæ ebullientis ad cerebrum deferuntur.

XVI. Quæ qualitate agunt, iterum duplici modo hoc efficiunt, vel qualitate manifesta vel occulta; Manifesta qualitate operantur humidi & frigidi crassique halitus spiritus animales condensantes & incrassantes, quominus expedite moveri possint. Occulta agunt qualitate quæ vim narcoticam habent, id est quorum operatio nec simpliciter calori, nec frigiditati, nec humiditati, sed toti mixto ejusque idiosyncrasiæ adscribi debet, etsi illa aliunde non sit nisi ex elementaribus qualitatibus occulto modo mixtis. Ita somnum vel naturalem vel non naturalem pro diversa dosi producit Hyoscyamus, Mandragora, Crocus, Meconium, Opium & Laudanum opiatum; nec tamen determinate hoc tribuendum illorum vel calori, vel frigiditati, vel humiditati, vel siccitati, quemadmodum Piperis vel Zingiberis vel Lactucæ operationem tribuimus eorum caliditati & frigiditati. Præterea maligni vapores in febribus malignis & pestilentialibus ad cerebrum translati, non tam sua copia quam vi narcotica Coma sive somnum profundum illis febribus conjunctum producant.

XVII. Causæ vero antecedentes Comatis somnolenti sunt, humores noxii, vel in ventriculo, mesenterio, utero, vel in aliis partibus collecti; qui dum à calore illarum partium resolvuntur, ejusmodi halitus & vapores ad cerebrum nervosque transmittunt. Hinc Hoffman-
pus

huc libr. 3. Institut. c. 34. de causis somni non naturalis ita loquitur: *Vererum affectuum soporiferorum causa ex somno naturalis petenda est. Ut igitur somnus (naturalis) fit, elatis ad cerebrum benignis ex alimento vaporibus, sensusq. omnes ligantibus: Ita affectus hi sunt ex crassis vaporibus iisque longe frigidioribus & humidioribus, ex humoribus morbificis potius quam ex alimentis ascendentibus.*

XIIIX. Causa Comatis vigilis communiter quidem ex mente Galeni statuitur bilis cum pituita remixta, ita, ut inclinatio ad Somnum pituitoso humori, Vigilie vero & concomitans delirium tribuatur bili. Verum huic opinioni adstipulari non possumus 1. enim ipsi humores, pituita & bilis, etsi misceantur, tamen inepti sunt ad hoc malum proximè & immediatè producendum, cum ob crassitiem nervos ingredi, & Spiritus animales figere, vel excitare non possint. 2. Neque ubi mixti sunt, illi humores, talem morbum possunt producere: aut enim æquali pondere miscentur, aut inæquali: si illud, temperata inde resultabit miscella, quæ neque vigilias neque somnum naturalem nedum soporem excitabit: Si vero hoc; bilis merum generabit calorem & vigilias; frigiditatem enim pituitæ consumet ejusque activitatem supprimet: Si vero pituita prædominatur, bilis diluetur ejusque actio impedietur. Rectius igitur dicitur humores illos, absque mixtione ex diversis corporis partibus, diversoque tempore suos halitus sive vapores ad cerebrum nervosque transmittere, & diversis actionibus modò somnum, modo Vigilias efficere. In principio enim hujus morbi, dispositio & delatio oritur ad somnum, ideo etiam hic affectus vocatur & est *κατάδνη*; & hæc quidem ex halitibus frigidis & pituitosis

ortum fuit; nisi enim talis dispositio soporosa adesset, nihil commune hic morbus cum Comate haberet; & si hi halitus simplices tantum agerent, simplex quoque & quidem somnolentum efficerent Coma. Cum autem non multò post etiam biliosi & acres vapores ad cerebrum & nervos transeant, priorum halituum actio turbatur, iique magna ex parte discutiuntur, ita ut loco somni vigiliis ægri corripiantur; unde Coma apparens & Vigil succedit.

XIX. Apparens autem dicitur Coma, quia instar dormientium oculos clausos habent Affecti; & hoc inde, quod pituitosi illi halitus, etsi in cerebro sint discussi, tamen in palpebris maneant, easque aggravent, ut ægrè attolli, nedum aperte servari possint. Etenim satis laxæ & capaces sunt palpebrarum tunicae adeo ut facillime affluentem materiam recipiant, sive sint genuini spiritus, sive halitus, & vapores excrementitii. Ut enim in vigiliis velocissimus & momentaneus ille palpebrarum motus est à spirituum naturalium copia; Ita tarditas & gravitas earundem est à crassis vaporibus. Unde quo copiosiores & tenuiores sunt illi spiritus, eò mobiliiores sunt palpebræ; Cum vero spiritus illi consumuntur, vel nimia humiditate incrassescunt, vel obruuntur, earum motus tardus & difficilis redditur. Ut manifestò videmus in infantibus & adultis secundum naturam dormituriis, in ebriis, in catarrhosis & cerebro præter modum humido præditis; non rarò enim in illis palpebræ instar vesicæ aut foliis replentur & intumescunt.

XX. Falsum itaque 3. est quod Galenus dicit: *διὰ τὴν ὀφθαλμικὴν δύναμιν ἢ τοιαύτη γίνεσθαι ἀλάθειαν, ὥς ἡδὴ νεκρὰ μὲν αὐτῆς, ὡς ἐπαρμύνα βλέφαρα φυλάττειν μὴ δύνασθαι.* Propter
viriunt

virium imbecillitatem huiusmodi suboritur affectio ubi adeo jam sunt emortuae, ut apertas palpebras servare nequeant. Nam etsi in vero somno, sive sit naturalis, sive non naturalis, detur aliqua lassitudo & virium imbecillitas; quod ille oriatur ex spirituum animalium diurno sive corporis sive animi labore facta cōsumptione, ut quotidie experimur in dormituriis circa noctem: non naturalis verò ex eorundem spirituum oppressione, ab halitus-
forum vaporum ad nervos delatorum copia producat: ut deprehendimus in ebrietate & affectibus soporosis. Verum in Comate vigili, de quo hīc sermo, non est somnus neque naturalis neque non naturalis: itaque in eo neque spiritus consumuntur, neque obruuntur, & consequenter tanta virium imbecillitas, ut quasi emortuæ sint, ut Galenus loquitur, neque ex nervorum affectu, neque ex alia causa, in hoc quidem morbo, datur. Manet itaque gravari palpebras multis pituitosis vaporibus, iisque genunos spiritus obrui & earum motum impediri.

XXI. Signa utriusque Comatis ex jam dictis fere manifesta sunt: In Comate enim somnolento, ægri profundo & diuturno somno corripuntur, cum stertore & hiantē ore: nonnulli etiam maxillam inferiorem quasi resolutam & pendulam habent: difficulter excitantur, excitati oculos quidem ad momentum aperiunt, sed statim iterum obdormiscunt.

XXII. Comate vigili laborantes propensi quidem sunt in somnum & palpebras clausas habent, revera tamen non dormiunt; sed ad levem contactum oculos aperiunt, ad interrogata respondent, etsi ut plurimum cum delirio: inquieti sunt, manus & brachia, imo totum corpus hinc inde jactant.

XXIII. Signa quæ eventum hujus morbi indicant, sumi possunt 1. ex Aphor. 1. libr. 2. Ubi Hippocrates ita scribit : ἐν ᾧ νοσήματι ὑπνὸς πόνον ποιεῖ, θανάσιμον. *In quo morbo somnus laborem facit, lethale est.* Per laborem intelligit Hippocrat. læsionem, dolorem, morbi exasperationem & augmentum. Et quidem malum signum est iste ὕπνῳ πόνος, si contingat in morbi ἀκμῇ vel ὀψέκμῃ, i. e. in statu vel declinatione, ubi in naturæ & morbi pugna illa ab hoc superatur. Quod manifestò docet Philotheus his verbis. καὶ μάλιστα εἴ ἐν τῇ ἀκμῇ βλάβην ποιῇσιν ὁ ὑπνὸς, θανάσιμον ἐστίν. *Et maxime in statu si somnus nocumentum fecerit, lethale est.* Et causam addit. τὸτο δὲ γίνεται διὰ τὴν ἀδυναμίαν ὅτι ἐμφύτη θερμὴ μὴ δυναμένη πείσσει τῶν νοσούντων αἰτιῶν. *Hoc autem fit ob caloris innati debilitatem causas morborum superare non potens.* Et Galenus in hunc Aphorismum ita commentatur : si, quod alias est utilissimum aliquo tempore (in morbo) non modo utile est, verum etiam nocet, mortem non sine ratione significat. Ex somno autem læsiones sunt, quæ utilitatibus contrariæ : Idcirco quia febres ab eo non dissolvuntur, vel etiam excitantur, vel dolores intenduntur, & fluxiones multiplicantur & crescunt inflammationes. Quidam vero & interdormiendum delira loquuntur : & ubi experges facti fuerint, multo tempore in delirio perseverant. Quibusdam etiam initio Comatis in somno fit, & vix cum punguntur excitantur. Hæc autem omnia contingunt propter humorum malignitatem, quod si calor innatus fortior extiterit per somnos concoquit, ubi vero debilior, in illos succumbit, ab iisq. viscera aggravantur & dictis affectibus homo corripitur. Ἡ δὲ ὑπνὸς (porrò ait Philotheus) ὀφελὴν ἔχει θανάσιμον : Si vero juvenat, lethale non est. Δηλὸν γάρ ἐκ τῆς καλῶς αἰσθάνουσι κατέφθαι ; Ostenditur enim ex hoc, materias bene concoqui. 2. Ex aphr. 3. ejusd. libr. Somnus (inquit)

(inquit) Hippocrates, & *Vigilia utraq; si modum exceſſerint, malum.* Quia omne nimium natura eſt inimicum, ut idem docet Hippocrates. Somnus igitur modum excedens malus eſt, ut ſignum & ut cauſa. Ut ſignum, quia indicat cerebrum & nervos materia morifica vel copioſa, vel qualitate noxia & contumaci, quæ haud facile diſcuti poſſit, affectos eſſe. Ut cauſa, quod ſomnus diuturnus multa excrementa producat in corpore, ſpiritus & calorem opprimat, adeoque totum corpus ejusque actiones torpidas reddat. 3. Periculoſius eſt Coma quod in continuis febribus oritur, quam quod in intermittentibus. In his enim cum ipſo Paroxyſmo ceſſat Coma; in continuis vero una cum ipſo morbo augetur & continuatur. 4. Periculoſum eſt Coma, quod virium imbecillitatem ſequitur; vires enim jam ante debilitatas ulterius proſternit. 5. Ad ſalutem tendit Coma, ubi natura per alvi fluxum, vel per hæmorrhagiam, vel per tumorem & abſceſſum, imprimis pone aures, vel in cervice, vel juxta maxillas inferiores materia peccans excernitur: vel ubi per convenientia Medicamenta cauſa tollitur. Ad mortem vero determinatur, ubi materia morifica naturam ſuperat, vires diſſolvit, & calorem nativum obruit.

DE C A R O.

THESIS I.

Carus gradu & vehementia differt à Comate. Nam Somnus in eo non ſolum profundior & diuturnior eſt quam in Comate, verum etiam æger commotus vel vocatus non reſpondet, nec oculos aperit, nec quicquam ſentit, niſi ad contactum rei valde moleſtæ; ut ſi fortè pun-
guntur.

pungatur vel uratur membrum, illud commover. Unde Galen. *Comment. 2. in lib. Prophet.* Carum *ἰσχυρὸν βαρὺν καὶ δυσέγερτον*, *somnum altum & excitatu difficilem* vocat. Et *Comment. in Aphor. 5. libr. 5.* ita scribit: *κυρίως λέγεται κάρη ἢ παντός τ' σώματος αἰφνίδι ἀνααισθησία καὶ ἀκίνησία.* Carus proprie vocatur totius corporis repentina sensus motusque privatio. Et lib. de Sympt. diff. cap. 5. vocat κάρη τῆς φανταστικῆς ὀφθαλμοῦ, Imaginationis resolutionem. Vide & *Com. 2. in lib. de arte.* ubi & λογισμὸν καὶ τὴν μνήμην, καὶ τὴν αἰσθησιν αἶμα, καὶ τὴν καθ' ἑμὴν πίνεσιν lædi asserit.

II. Dicitur autem Carus *ὑπὸ τῆς καρᾶς*, quod est gravi sopore corripi: Et hunc morbum excitare, Antiphon apud Julium Pollucem vocat *καρᾶν*, cum non tantum caput, verum etiam totum corpus in hoc morbo vehementer gravetur. Obiter h. l. notandus est *Mercurialis libr. 1. de capitis affectionibus c. 7.* qui opinatur Theodorum Gazam in *Aristoteles probl. 15. sect. 3.* Male vocabulum Caros latine vertisse *gravitatem*; cum in græco textu non legatur κάρη sed βάρη, ut unicuique textum inspicienti manifestum est. *Cæl. Aurelianus libr. 2. Acutor. affect. c. 2.* hunc affectum vocat *pressuram*. Latini vocant *torporem*, torpidi enim redduntur affecti & omnibus functionibus animalibus privantur, excepta respiratione.

III. Differt itaque Carus hac in re lab Apoplexia 1. Quod in hac respiratio multis modis imminuatur, depravetur, imo ad sensum tollatur. 2. quod aliqua sensus tactus potentia in Caro remaneat: In Apoplexia vero prorsus tollatur. 3. Quod teste Galeno *libr. 4. de loc. affect. c. 2.* Caro finito bona valetudo magna ex parte subsequi consuevit: Soluta vero Apoplexia creberrime succedere solet vocata Paralysis.

IV. A Le-

IV. A Lethargo differt 1. Quod Lethargus semper febrim conjunctam habeat, & quidem febrim antecedit: Carus autem non semper febrim comitetur: vel si cum febre jungatur, hoc in fine paroxysmi febrilis accidat. 2. Lethargo affecti cum interrogantur respondent, quod neutiquam fit in Caro: quamobrem Galenus in supra allegato Comment. ad Aphorism. 5.15. scribit: Hippocrati consuetum fuisse τὸς ὀπώσιν κατὰ γὰρ ὅντας ἀφόνως vocare.

V. An autem respiratio in Caro prorsus non lædatur, dubitare facit nos Galenus, qui *libr. 5. de loc. affect. c. 3.* statuit tam in Caro quam in Apoplexia respirationem esse læsam, quod thorax veluti quodam vinculo ligatus sit. Verum respondemus, distinguendū esse inter Carum suis se terminis adhuc continentem & degenerantem in Apoplexiam. In illo respiratio læsa non est; sed ubi ita increseit causa morbifica, ut Carus deducatur ad summum gradum, qui proximè abest ab Apoplexia, omnino respiratio læditur. Quod ipse Galenus *libr. 4. de loc. aff. c. 2.* manifesto declarat. *Qui ita, inquit, affectus est, neq. sensus neq. motionis munere fungitur: spirandi tamen facultas haud quicquam læditur, vocaturq. hic affectus νάρκη. Si vero adeo vehementer spirationem opprimat, ut quis vel magno conatu vix spirare possit, eorum exemplo, qui per gravem somnum stertere solent Apoplexia nominatur.*

VI. A Catalepsi discernitur Carus. 1. Quod hic affectus subito & ex improvviso hominem corripiat, Carus autem pedetentim motum sensusque lædat. 2. Quod Catalepsis per intervalla afficiat, Carus vero continuus sit morbus. 3. Quod Catalepticorum corpora quasi congelata obrigescant, & in eo situ & statu in quo correpta sunt, quamdiu durat Paroxysmus permaneat, quod minime accidit in Caro.

C

VII. A

VII. A Syncope diversus est Carus 1. quod in ea pulsus ad sensum pereat, in Caro vero magnus & validus sit. 2. In Syncope facies pallida & cadaverosa redditur; in Caro color faciei naturali non absimilis, imo interdum floridus est. 3. In Syncope sudor frigidus in facie & fronte erumpere solet, quod minime contingit in Caro. 4. Carus morbus diuturnus est, syncope vero diu durare non potest, sed citò vel ad salutem vel ad exitium tendit.

VIII. Ab uteri suffocatione dignoscitur, quod in hac omnis propemodum respiratio tollatur, & fauces constringantur, ita ut suffocatio immineat: In Caro vero integra manet respiratio, nec ullum suffocationis indicium apparet. Præterea convulsio quarundam partium in utero strangulatu; in Caro minimè. Et tandem præfocatae mulieres recordantur eorum quæ circa se acta sunt: non autem Carotici. Exemplum videatur apud Forestum. l. 10. Observ. 38. in Scholio. de moniali quadam revera Caro laborante & tamen pro hysterica à nonnullis habita.

IX. Causa proxima huius mali est vehemens spirituum animalium oppressio. Hæc autem oritur à causis vel extra, vel intra nervos existentibus. Illæ sunt 1. extrinseca nervorum compressio; nempe ubi casu vel ictu Calvaria & cerebrum deprimuntur, ita ut nervis incumbant, eosque angustos reddant, quo minus Spiritus animales libere effluere possint. Quod confirmat Hipp. l. 7. aph. 58. ubi dicit: *Quibus occasione aliqua Cerebrum fuerit vehementer concussum, eos protinus à φῶνός γινέσθαι, mutos fieri necesse est.* per αφῶνός autem Hippocrates intelligit Carotico, ut testatur Galenus. Exemplum huius rei refert Forest. libr. 10. observ. 40. Puer quidam, inquit, quinq. annorum, filius Brunonis Jacobi Dyssennii Delphensis, cum à suprema parte domus

ana cum cavea, qua a viculas continebat, in terram cecidisset, ita
ut caput quasi compressum haberet. statim Caro correptus, sine loque-
la, sensu & motu, oculis clausis, per quatuordecim dies in perpetuo
somno jacebat: post 14. autem dies, à profundissimo somno ex-
perrectus optimis remediis à me & chirurgis adhibitis, puer mira-
culi instar contra opinionem multorum sanitati fuit restitutus.

2. Hoc accidit à vehemente vasorum, vel in ipso cerebro
vel juxta tempora contusione: Contusis enim venis vel
arteriis, sanguis in iis grumescit & condensatur: conden-
satus obstructionem parit, adeò ut sanguis & cum eo spi-
ritus vitales, quæ animalibus materiam præbent, libere
distribui non possint. Vel 3. Si sanguis ille ex contusio-
ne suis vasis elabatur, corrumpatur, & tumorem excitet,
qui dum nervos comprimit hunc affectum producit. Exem-
plum talis contusionis ex Ictu notavit *Fermel. lib. 5. de part.
morb. & symptomatibus c. 2.* Vidi (ait) quendam icctu adeo ve-
hementi & valido concidisse, ut sanguis ex oculis, auribus, naribus
& ore manaret. Hinc tantus mentis sensuumque stupor invasit, ut
calvaria perzusa ac deinde obducta fuerit, omneque remedij genus
sine sensu inductum, isque tertio mense restitutus sit, immemor
omnium quæ ebtigerant. Et *Forest.* loco ante citato refert.
Juvenem, cum lapide ad tempora ab alio adolescente iccus esset,
statim in Carum sive profundissimum somnum incidisse, à quo ex-
citari non potuit, quanquam à chirurgo benè tractatus esset, sed al-
tero die somno permanente obiit. Quemadmodum alius puer an-
norum novem, qui, cum instrumento ligneo oblongo paulò supra
frontem percussus esset, Caro etiam correptus fuit, febre acuta su-
perveniente. Sed hic somniculosus vitam protraxit in septimum
diem quo obiit. Capitis hujus Cratio sublato in anteriore parte
abscessus repertus est.

X. Huc referri potest ille casus quem vidit Hierony-
mus Mercurialis in quodam vulnerato, qui ex importuna

perforatione Craniij facta à chirurgo statim factus est Caroticus, ut scribit *lib. de Caput. affectib. c. 7.*

XI. Intra nervos fit illa spirituum animalium oppressio, vel impeditur illorum distributio; non quidem ut Sennertus vult, ab obstructione meatuum cerebri: si enim per meatus ventriculos intelligit, ex eorum obstructione hunc affectum fieri non posse supra fuit demonstratum: nec cerebri refrigeratione & humectatione ab humore crasso & frigido; talem enim humorem nervos ingredi, eosque infarcire non posse in antecedentibus sæpius ostendimus: sed oritur illud impedimentum ex halitibus copiosis, siue illi sint calidi siue frigidi, spiritus sopiendi vim, & quidem in gradu majore quam in Comate habentibus; Causarum enim vehementia Carus à Comate differt.

XII. Quod autem Sennertus scribit, ex Arteriarum Carotidum læsione etiam hunc affectum oriri, quod illis arterijs læsis spiritus vitales, ex quibus spiritus animales generantur, ad cerebrum transferri non possint, & consequenter spirituum animalium generatio cesset, id veritati consentaneum non est. Nam quando ita læduntur, hæc arteriæ, ut spiritus vitales ad cerebrum transire non possint, & spirituum animalium generatio impediatur, profectò non Carus sed Apoplexiam generari necesse est. Carus enim morbus diuturnus est: quomodo autem longo isto morbi tempore sanguis, & in eo contenti spiritus vitales immoti in illis arteriis subsistere possunt absque insigni noxa cordis, imprimis suffocatione?

XIII. Neque dissipatione spirituum ex maximo dolore & aliis causis, Carus proprie dictus generari potest: cum natura tantam tamque diuturnam spirituum dissipationem, ut Carus inde nascatur, ferre non possit. Ex in-

genti

genti quidem dolore, ut experimur in maleficis qui carni-
ficum torturæ subjiuntur, oritur interdum simile quid
somno profundo, sed ille affectus non verus Carus, sed
potius Leipothymia est, orta ex virium resolutione, quæ
diu non durat; aut enim reficiuntur ita affecti gratis adhi-
bitis medicamentis, aut statim moriuntur; natura enim
illum caloris & Spirituum defectum diu sustinere non po-
test. Non rarò etiam ejusmodi somnus profundus in ve-
nificis non à cruciatibus illis, sed Cacodæmone inducitur.

XIV. Causæ autem antecedentes illorum halituum,
proxime Carum efficientium sunt vel internæ, vel exter-
næ. Internæ sunt humores noxii, imprimis humores fri-
gidi, crassi & pituitosi; & alia in corpore nostro præter na-
turam genita. Externæ sunt 1. Casus, ictus, vulneratio
de quibus th. ix & x. diximus 2. quæ magnam vim nar-
coticam i. e. Sopiendi spiritus animales habent, ut opium,
crocus, solanum, mandragora &c. quæ pro diversa quan-
titate adhibita diversum quoq; operandi modum & gradû
habent: Et primò quidem naturalem somnum, deinde
verò eorum quantitate aucta, somnum non naturalem
vel Coma, vel Carum producant. His adnumeranda
venena: ut esus fungorum lethalium, fumus carbonum
accensorum, halitus calcis recentis, conclavium parietibus
illitæ, & virulentus odor cornuum rerumque metallica-
rum, præcipue vero morsus venenatorum animalium Ca-
rum & lethalem torporem inducit, imprimis Serpentum,
quibus *ad mortis ad venas, sic morte, quasi somno soluta est Cleo-
patra Ægypti Regina, teste Iul. Floro l. 4. c. XI. Plutarch. in
Antonij vita refert, Aspidem hydria inclusam fusosq; aureo ipsam
laccessentis & stimulantis arripuisse Cleopatra brachium. Inde, in
triumpho Cesaris imago translata est ipsius Cleopatra & Aspidis
mordicus brachio affixa. Quod confirmat Galenus l. de Theri. ad*

Pison. c. 8. ubi hæc tradit. Aspis quadam reperitur nomine *Ptyas*, qua perinde ac si tunc ratione prædita foret, æstimata intervalli distantia, collum eiusq; extendit, ut possit iter facientibus commode venenum inspuere. Horum itaq; Serpentum uno (siquidem tria sunt Aspidum genera, *Ptyas*, *Chersea* & *Chelidonia*) Reginam ferunt Cleopatram cum velleret custodes fallere, citra suspicionem repente sibi mortem conscivisse. Nam Augustus qui Antonium vicerat, & Cleopatram vivam capere, & vivere volebat, magna diligentia ipsam, ut par fuit, servabat, quo tam insignem faminam Romæ in triumphum duceret, id Cleopatra cum persensisset, & elegisset, etiam tum Regina potius è vita decedere, quàm privata de se Romanis spectaculum præbere, hoc Serpentis genere sibi mortem inferre decrevit, convocatis itaq; duabus fidißimis Ancillis *Naera* & *Carmione* (idem narrat Plutarchus, ancillarum autem una ipsi *Είρα*, altera *Χάρις* vocatur) quarum ministerio ad cultum corporis utebatur: nam altera capillos decentes complcabat, altera scite unguum putamina rescindebat: jubet contemfam sicubus & nvis *Ptyadem* inferri, ut, sicut diximus, custodes lateret; inde periculo in ancillis prius factò, num celeriter Serpens illa necaret: ut vidit eas celeriter interiisse, deinceps illam sibi admovit.

XV. Ab Aspide autem demorsis, inquit Dioscorides l. 6. c. 54. Ταχῆα ἀμαύρωσις ὀμμάτων κατὰ λαμβάνεται: πόνος τὸ ὅλον τὸ σῶμα τὸ πολυειδὲς, παρὰ πᾶσιν ἐλαφρὸς, καὶ ὅτε αἱ τρεῖς ἡδοῖνς ὠφθαλμοῖς. Δὲ καλῶς ὁ Νικάνδρος πεφώνηκε. — Καμάτις δ' αἰτὶς ὀδυνῶν αἰνῆς. Βλέφαρος κινῶνται μὲν ἀναισθησίας ὁμοίως ὕπνῳ. Hoc est: velox caligo oculos obnubit, dolor toto quidem corpore, sed æmnino levis, & non sine voluptate consequitur. Quapropter pulchre Nicander cecinit. — at vir perit absq; dolore. Palpebra sine sensu connivent, veluti urgente somno. Expressius hoc tradit Aetius Tetrabibl. 111. Serm. 1. c. 20. Caterum, inquit, accessiones & symptomata communia sunt in his quos aspidēs momorderunt.

Vulnera

Vulnera enim de morso loco veluti ab acu puncta inveniuntur. (Quod etiam in corpore Cleopatrar, teste Plutarcho, observatum fuit) Bina quidem ex masculi morso, ex faemella vero quatuor, circa magnum dolorem, à quibus nihil effluit, nisi violentum animal sit quod morsum influxit. Consequitur autem stupor, pallor frontis, refrigeratio, assidui hiatus, palpebrarum nictationes, colli inclinatio, capitis gravitas, segnitie & collapsio in somnum profundum.

XVI. Causam cur aspis *οὐρανὸς ἀνέμῳ* ut Plutarchus loquitur, i. e. notas sive puncturas tenues & exiles suo morso infligat, exponit Cl. Aelian. l. IX. de animal. nat. c. 41. his verbis: Morsuum vestigia tam perparum apparentia Aspis imprimit, ut indicia vix acuti oculorum acie deprehendantur. Cur verò tam sint obscura ignotaq; Causa hæc est. Ipsius venenum ad transmittendum est peracutum, mirabiliq; celeritate ad intima transitionem facit. Quum enim hæc ipsa morsum effecit, venenum non eminet circa superficiem: sed sub cutem subiens, intra meatus penitus subit, atq; sic ad intima delabitur, ut nihil extet atq; emineat.

XVII. Capite sequente idem Aelianus lepidam temerarii Circulatoris, sibi ipsi imprudenter vitam veneno Aspidis adimentis historiam recenset. Non possum, quin illam his subnectam, imprimis cum ea Aspidis morso stuporem fuisse inductum ostendat. Ita autem se habet. Quum Pompeius Rufus Romæ ad litiū munus obiret, Quinquatriis vel Panathenais festo, ut solet in Romano foro fieri *Φαρμακοτεῖχος ἀνὴρ, καὶ τῶν τὰς ὀφείας ἐς τὰ χεῖματα τεφρόντων ἐτέρων ὁμοτέχνων πλείεστων πολλῶν, ἀπὶ δὲ κατὰ τὸ βραχίον & πρὸς ἀγῆς, εἰς ἐλέγχον αὐτῆς σοφίας. ὁ δὲ παρέχε, καὶ ἐδήχθη, εἰταὶ τὸ σῶμα ἐξεμύζησε τὸ κακόν.* Circulator aliis permultis, qui eandem quam is ipse artem facerent, circumstantibus, ad suam ostendendam sapientiam, simulq; ex artificio suo specimen dandum, Aspidem brachio suo admovit, & ex impresso morso malum exiit. Quum autem postea aquam quam sibi preparaverat non exsorbuisset, quod ea esset subducta (ex insidiis enim vas fuerat eversum) veneno non

non absumptò, neq; absterso, secundo post diē, sine doloris sensu, sensim & pedetentim pernicie veneni illapsa, postquam ejus os & gingivæ contabuiſſent, vita privatus est. Præterea Strabol. xvi. refert; In felicissima Sabæorum terra quæ maxima natio est; in qua & ibus, & myrrha & cinnamomum nascitur, & balsamum, & alia quædam herba valde odorata (hujus nomen non exprimit) quanquam ejus odor cito deperit, Incolas, qui etiam palmas odoratas & calamum habent, ex harum plantarum odoris fragrantia Caro sive stupore corripitur; quod fieri oportet ex copiosis halitibus fragrantium rerum ad nervos delatis spiritusque animales obruentibus. Addit autem Strabo: Ab odoribus autem stupefacti, suffitu, bituminis & barbæ hirci stuporem tollunt. Nempe tum copiosi illi fragrantibus halitus discutuntur, adversante hoc bituminis & pilorum hirci odore.

XIIX. Signa hujus affectus ex ante dictis facile colligi possunt. Ægri enim diuturno & profundo somno obruuntur, ita ut neque moveantur neque sentiant, nisi re vehementer feriente vel pungente; Interrogati non respondent, interdum vero magno clamore vocati oculos aperiunt, sed statim iterum claudunt.

XIX. Signa prognostica quod attinet, docet Hippocrates in Coac. prænotionib. Τὸ καρῶδες πανταχῶς κακὸν: Sopor profundus semper & ubiq; malus. Quod repetit lib. 1. prædict. Aphorism. 63. 2. In iisdem dicit: Κεφαλαλγία καρῶδης μετὰ βαρέῃ ποιῇ τὴν πᾶσιν κακῶδης; Dolor capitis cum sopore & gravitatis sensu efficit convulsivum quid. Quod halitus illi caput occupantes & dolorem producentes etiam nervos repleant eosque distendant, adeoque motum convulsivum producant. 3. Carus in quo etiam respiratio læditur valde periculosus est; illum enim ab apoplexia parum abesse significat. 4. Quo facilius Caro affecti excitantur, eò levius est malum; quò difficilius eò gravius. 5. Carus in febrium sine superveniens plerumque lethalis est. 6. Carus ex magna evacuatione & spirituum dissipatione ortus mortem imminere designat.

F I N I S.